



Finansira
Evropska unija



JAVNI POZIV

Za odabir konsultanta/e za pripremu plana i programa edukacije, izradu materijala i provođenje edukacija za jačanje kapaciteta predstavnika lokalnih institucija

Kako bi doprinijeli poboljšanju socio-ekonomske situacije i uvjeta života u Bosni i Hercegovini, Evropska unija finansira projekat, „Pružanje podrške ranjivim ženama i razvoj integriranog programa socijalne zaštite“, a koji implementiraju Udruženje „Žene sa Une“ u partnerstvu sa Arbeiter Samariter Bund Deutschland e.V.

u saradnji sa Agencijom za ravnopravnost spolova pri Ministarstvu za ljudska prava i izbjeglice Bosne i Hercegovine.

Specifični ciljevi projekta su:

- Ojačati ukupne kapacitete relevantnih lokalnih institucija, civilnog društva i grassroots grupa u zagovaranju važnih reformi vezanih za socijalnu zaštitu ranjivih grupa žena u 10 lokalnih zajednica u BiH (uključujući agendu BiH u vezi sa integracijom u EU).

- Uspostaviti interdisciplinarni pristup lokalnom partnerstvu za rješavanje problema socijalne uključenosti ranjivih grupa žena u bosanskohercegovačkom društvu.

Udruženje „Žene sa Une“ traži iskusnog vanjskog konsultanta ili tim stručnjaka za pripremu plana i programa edukacije, izradu materijala i provođenje edukacija za jačanje kapaciteta predstavnika lokalnih institucija iz slijedećih 10 lokalnih zajednica: Bihać, Novi Grad, Gradiška, Derventa, Bijeljina, Tuzla, Olovo, Sapna, Vlasenica i Gacko. Cilj angažmana je unaprijediti znanja i vještine predstavnika lokalnih institucija radi efikasnijeg, koordiniranog i rodno osjetljivog odgovora u pružanju podrške ranjivim kategorijama žena, te doprinijeti razvoju i primjeni integriranog modela socijalne zaštite na lokalnom nivou.

Glavni ciljevi programa edukacije:

- Podržati zaštitu osnovnih socijalnih, ekonomskih i kulturnih prava, posebno za ranjive grupe žena – žene žrtve diskriminacije; žene žrtve nasilja u porodici, žene s invaliditetom, starije žene, mlade Romkinje, žene iz ruralnih područja itd.
- Poboljšati organizacijske kapacitete, prenijeti specifična znanja i vještine potrebne za uspješno planiranje, participativno učešće svih interesnih strana i prilagodbu izazovima siromaštva i socijalne isključenosti ranjivih kategorija žena.
- Omogućiti isključenim grupama žena učestvovanje u procesima donošenja odluka.

Zahtjevi za Konsultanta/e:

- Univerzitetska diploma iz društvenih nauka, rodnih studija, psihologije, prava, socijalnog rada, obrazovanja ili srodnog područja (Magisterij iz rodne ravnopravnosti, socijalne uključenosti ili ljudskih prava smatrat će se velikom prednošću)
- Najmanje pet (5) godina stručnog iskustva u osmišljavanju i provođenju programa obuke za predstavnike javnih institucija
- Stručnost u oblasti rodne ravnopravnosti, socijalne zaštite i socijalne inkluzije ranjivih kategorija stanovništva
- Poznavanje zakonskih i podzakonskih akata u oblasti socijalne zaštite u Bosni i Hercegovini
- Snažne analitičke i komunikacijske vještine, iskustvo u analizi podataka

Posebni zahtjevi

Konsultant/i će poduzeti sve potrebne korake kako bi objavio činjenicu da je Evropska unija financirala Aktivnost. Takve mjere moraju biti u skladu sa zahtjevima za komunikaciju i vidljivost koje je objavila Evropska komisija, a koji se mogu pronaći na: https://international-partnerships.ec.europa.eu/knowledge-hub/communicating-and-raising-eu-visibility-guidance-external-actions_en

Postupak Prijave:

- Tehnička i finansijska ponuda (metodologija, rokovi, budžet)
- Ažurirani CV-ovi konsultanta/tima stručnjaka
- Motivacijsko pismo i reference

Prijavu sa traženim dokumentima uz priložene dokaze o ispunjavanju uslova, dostaviti putem e-maila na administracija@zenesaune.org ili pošte na sljedeću adresu: Udruženje „Žene sa Une“, Krupska 26, 77 000 Bihać s naznakom „Za javni poziv/Za odabir konsultanta/e za pripremu plana i programa edukacije, izradu materijala i provođenje edukacija za jačanje kapaciteta predstavnika lokalnih institucija CN 2024/455-410 (PAVW DISPP 007)".

Vremenski okvir:

Krajnji rok za dostavu ponude je **27.02.2026. godine**.

Krajnji rok za završetak posla je **30.04.2026. godine**.

Nepotpune i neblagovremene prijave neće se uzeti u razmatranje.

Tekst Javnog poziva, uvjete angažmana i dokumentaciju za prijavu na Javni poziv možete preuzeti sa sljedećeg linka:

https://www.dropbox.com/sc/fo/ds2ehikwdtszfog4fpu07/AKH_sHTkL5gS5PRgq8NL-H0?rlkey=fmba63vtxys8welfdqiaimtoc&st=ky69n3vx&dl=0